

ხელშეკრულება სახელმწიფო შესყიდვის შესახებ № 64(ბ)
წინამდებარე ხელშეკრულება დაიდო 2020 წლის „30“ „აპრილს“ ქ. თბილისში
სახელმწიფო ბიუჯეტის დაფინანსება, პროგრამული კოდი (310903)

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2017 წლის 14 ივნისის № 12 ბრძანებით დამტკიცებული „ელექტრონული ტენდერის ტენდერის ჩატარების წესის მოთხოვნათა შესაბამისად, სსიპ ეროვნული სატყეო სააგენტოს მიერ სახელმწიფო შესყიდვის განხორციელების მიზნით, ელექტრონული ტენდერის საშუალებით. („სახელმწიფო შესყიდვების შესახებ“ საქართველოს კანონის მე-3 მუხლის პირველი პუნქტის „ქ“ ქვეპუნქტის შესაბამისად) (SPA200001073) (CPV 34138000).

ერთის მხრივ, **სსიპ - ეროვნული სატყეო სააგენტო** (შემდგომში შემსყიდველი) სააგენტოს უფროსის მოადგილის **დავით ალადაშვილის** სახით, მისამართი: ქ.თბილისი, გ. გულუას ქ. № 6. ს/კ 204578581. ტელ: 2753910. საბანკო რეკვიზიტები: ცენტრალური ხაზინა, კოდი TRESGE22, ა/ა GE24NB0330100200165022. ხოლო მეორეს მხრივ **შპს „ბიზნეს ჯგუფი 2010“** (შემდგომში მიმწოდებელი), წარმოდგენილი მისი გენერალური დირექტორის **სიმონ მეფარიძის** სახით, მისამართი: ქ.თბილისი, ალ. ქართველიშვილის ქ. 7. ს/კ 208141321. ტელ: +995 2919228, 2919229. ელ-ფოსტა kamaz.ge@mail.ru, საბანკო რეკვიზიტები: ს.ს. „საქართველოს ბანკი“, ბანკის კოდი BAGAGE22 ა/ნ GE48BG0000000707273700 ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1 „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველ ორგანიზაციასა და ელექტრონულ ტენდერში გამარჯვებულ პრეტენდენტ შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და დამატებებით, ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2 „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 „დღე“, „კვირა“, „თვე“ – კალენდარული დღე, კვირა, თვე.
- 1.4 „შემსყიდველი“ – ორგანიზაცია, რომელიც ახორციელებს შესყიდვას.
- 1.5 „მიმწოდებელი“ – პირი, რომელმაც მოიპოვა გამარჯვება ელექტრონულ ტენდერში და ახორციელებს საქონლის მიწოდებას ხელშეკრულების ფარგლებში.
- 1.6 „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1 ხელშეკრულების საგანს წარმოადგენს **4 (ოთხი) ერთეული სატვირთო ავტომანქანის „KAMAZ 43118“** შესყიდვა (შემდგომში საქონელი) ამ ხელშეკრულების პირობების შესაბამისად.
- 2.2 საქონლის დასახელება, რაოდენობა და ფასების ცხრილი:

#	საქონლის დასახელება	წარმოშობის ქვეყანა, მწარმოებელი კომპანია, მარკა და მოდელი	რ-ბა	ერთეულის ფასი (ლარი)	საერთო ფასი (ლარი)
1	6X6 გამავლობის სატვირთო ავტომანქანა (ჯალამბარით)	რუსეთის ფედერაცია, სს კამაზი/ПАО KAMAZ, კამაზ-43118/KAMAZ-43118	4	146 864	587 456

- 2.3 შესყიდვის ობიექტის ტექნიკური მახასიათებლები მოცემულია დანართი #1-ის სახით, რომელიც თან ერთვის ხელშეკრულებას და წარმოადგენს მის განუყოფელ ნაწილს.

3. საქონლის ღირებულება

- 3.1 მთლიანი სახელშეკრულებო თანხა საქართველოს კანონმდებლობით გათვალისწინებული ყველა გადასახადის (მათ შორის: დღგ, განბაჟება; სანომრე ნიშნების აღება; შემსყიდველის სახელზე გადაფორმება; ტრანსპორტირება შემსყიდველის მისამართზე და ა.შ.) გათვალისწინებით შეადგენს **587456 (ხუთასოთხმოცდაშვიდი ათას ოთხასორმოცდათექვსმეტი) ლარს**.
- 3.2 ერთი ერთეული სატვირთო ავტომანქანის ღირებულება საქართველოს კანონმდებლობით გათვალისწინებული ყველა გადასახადის (მათ შორის: დღგ, განბაჟება; სანომრე ნიშნების აღება; შემსყიდველის სახელზე გადაფორმება;

ტრანსპორტირება შემსყიდველის მისამართზე და ა.შ.) გათვალისწინებით შეადგენს 146 864 (ასორმოცდაექსიათას რვაასსამოცდაოთხი) ლარს.

4. საქონლის მიღება-ჩაბარება

- 4.1 საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელის მოწერით, ხელშეკრულების პირობების შესრულებაზე კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.2 შემსყიდველი (საჭიროების შემთხვევაში) იტოვებს უფლებას (მიმწოდებლის სახსრებით) მიმწოდებლის მიერ მოწოდებულ ტექნიკაზე, მოითხოვოს სატენდერო დოკუმენტაციის ტექნიკური პირობების შესაბამისობაზე სსიპ „ლევან სამხარაულის სახელობის ექსპერტიზის ბიუროს“ ან სხვა შესაბამისი აკრედიტაციის მქონე კომპანიის/პირის/ექსპერტის დასკვნა რის შემდეგაც განხორციელდება მიღება-ჩაბარების აქტის გაფორმება (აღნიშნულ საჭიროებას წყვეტს შემსყიდველი ორგანიზაცია) აღნიშნული დადებითი დასკვნისა და შემსყიდველის მხრიდან ხელშეკრულების პირობების შესრულებაზე კონტროლის განმახორციელებელი ჯგუფის წევრების მხოლოდ დადებითი დასკვნის საფუძველზე.
- 4.3 საქონლის მიწოდებისთანავე მხარეები ადგენენ შუალედურ მიღება ჩაბარების აქტს, რის შემდეგაც 10 (ათი) კალენდარული დღის განმავლობაში შემსყიდველის წარმომადგენლები განიხილავენ მიწოდებული საქონლის შესაბამისობას ხელშეკრულებით დადგენილთან.
- 4.4 საქონელი ჩაითვლება მიღებულად მიღება-ჩაბარების აქტზე შემსყიდველის მხრიდან ხელმოწერის შემდეგ, რა შემთხვევაშიც „საქონელთან“ დაკავშირებული უფლება-მოვალეობები, ნებისმიერი მიზეზით, მათ შორის, შემთხვევით დაღუპვის ან გაფუჭების ყველა რისკი სრულად გადადის შემსყიდველზე.
- 4.5 შემსყიდველის მხრიდან მიღება-ჩაბარების აქტს ხელს აწერს სსიპ ეროვნული სატყეო სააგენტოს ფინანსური დეპარტამენტი ტრანსპორტის სამმართველოს უფროსი - **შოთა კოკაია**.
- 4.6 შემსყიდველი ვალდებულია წერილობითი სახით, აცნობოს მიმწოდებელს საბოლოო შემოწმების შედეგები დაწუნებული საქონლის რაოდენობის და წუნდების მიზეზის მითითებით.

5. საქონლის მიწოდების ვადები და ადგილი.

- 5.1 საქონლის მიწოდება უნდა განხორციელდეს ხელშეკრულების გაფორმებიდან არა უგვიანეს **120 კალენდარული დღის განმავლობაში**.
- 5.2 საქონლის მიწოდება უნდა განხორციელდეს შემსყიდველის მიერ მითითებულ მისამართზე, ქ. თბილისში, ქ. **მცხეთაში**, ქ. **ზესტაფონში** ან ქ. **ხაშურში** (შემსყიდველის მოთხოვნის შესაბამისად).
- 5.3 საქონლის მიწოდების ზუსტი ადგილი დაზუსტდება საქონლის მიწოდების ეტაპზე.

6. მხარეთა უფლება-მოვალეობანი

- 6.1 მიმწოდებელი ვალდებულია მიაწოდოს შემსყიდველს ნივთობრივად და უფლებრივად უნაკლო საქონელი.
- 6.2 შემსყიდველი ვალდებულია გადაუხადოს მიმწოდებელს ანაზღაურება ამ ხელშეკრულებით გათვალისწინებული საქონლის მიწოდებისათვის ხელშეკრულების პირობების შესაბამისად.
- 6.3 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს სხვას მოცემული ხელშეკრულებით არსებული თავისი ვალდებულებები.
- 6.4 შემსყიდველი უფლებამოსილია მოითხოვოს მიმწოდებლისაგან ამ ხელშეკრულებით ნაკისრი პირობების განუხრელი შესრულება.
- 6.5 შემსყიდველი უფლებამოსილია (საჭიროების შემთხვევაში) მიმწოდებლის მიერ მოწოდებულ ტექნიკაზე, მიღება-ჩაბარების აქტის გაფორმებამდე მოითხოვოს სატენდერო დოკუმენტაციის ტექნიკური პირობების შესაბამისობაზე სსიპ ლევან სამხარაულის სახელობის ექსპერტიზის ეროვნული ბიუროს დასკვნა.
- 6.6 მიმწოდებელი ვალდებულია საქონლის მიწოდებისას საქონელთან ერთად მიაწოდოს შემსყიდველს სატვირთო ავტომანქანის მოხმარების წესების სახელმძღვანელო (რუსულ ან/და ინგლისურ ენაზე); თითოეულ ავტომანქანაზე არანაკლებ 1 ერთეული ცეცხლმაქრი და 1 ერთეული სააფთიაქო ყუთი.

7. გარანტია

- 7.1 მიმწოდებელი იძლევა გარანტიას, რომ მიწოდებული საქონელი იქნება ხარისხიანი და მისი ექსპლუატაციის ნორმების დაცვის შემთხვევაში, არ გამოავლენს დეფექტს და შეესაბამება ხელშეკრულების მოთხოვნებს.

- 7.2 წინამდებარე ხელშეკრულების საფუძველზე შესყიდული საქონლის საგარანტიო ვადაა 18 თვე ან 50000კმ, რომელიც პირველი დადგება, მიღება-ჩაბარების აქტის გაფორმებიდან.
- 7.2.1 საგარანტიო პერიოდში გასაწევი ტექნიკური მომსახურების პერიოდულობა და ჩამონათვალი მოცემულია ხელშეკრულების დანართი #2-ის სახით, რომელიც თან ერთვის ხელშეკრულებას და წარმოადგენს მის განუყოფელ ნაწილს.
- 7.3 გარანტია ვრცელდება გადაცემათა კოლოფზე, მრავზე, ჰიდრავლიკურ სისტემაზე, ხიდებზე, გამაძლიერებელ კოლოფზე და ჯალამბარზე.
- 7.4 საგარანტიო მომსახურების პერიოდში, მიმწოდებელი ვალდებულია წერილობითი შეტყობინების (მათ შორის შესყიდვების სააგენტოს ელექტრონულ გვერდზე მითითებულ მეილზე) მიღებიდან 5 დღის განმავლობაში მოახდინოს საქონლის ინსპექტირება და დეფექტური აქტის შედგენა. მიმწოდებელი ვალდებულია გამოასწოროს ხარვეზი ან/და შეაკეთოს ტექნიკა დეფექტური აქტის შედგენიდან 15 კალენდარული დღის განმავლობაში (დაზიანების სირთულის შესაბამისად მხარეები დამატებით თანხმდებიან ხარვეზის გამოსწორების ან/და შეკეთების სხვა ვადაზე). გარანტია არ ვრცელდება ექსპლუატაციის ნორმების დარღვევის, შემსყიდველის, შემსყიდველის წარმომადგენლის ან/და მესამე პირის განზრახი ან/და გაუფრთხილებელი ქმედების შედეგად წარმოქმნილ ხარვეზზე ან/და დაზიანებაზე.

8. ანგარიშსწორება

- 8.1 ანგარიშსწორება მოხდება უნაღდო ანგარიშსწორებით ლარებში;
- 8.2 ანგარიშსწორება განხორციელდება საქონლის მიწოდების შემდეგ, მიმწოდებლის მიერ წარმოდგენილი ორმხრივად გაფორმებული მიღება-ჩაბარების აქტის და საგადასახადო ანგარიშ-ფაქტურის წარმოდგენიდან არაუგვიანეს 10 (ათი) სამუშაო დღის განმავლობაში.

9. ხელშეკრულებაში ცვლილებების შეტანა

- 9.1 არავითარი გადახრა ან ცვლილება ხელშეკრულების პირობებში არ დაიშვება ორივე მხრის მიერ ხელმოწერილი წერილობითი შესწორებების გარდა.
- 9.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.
- 9.3 ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით. (საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა).
- 9.4 ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

10. ხელშეკრულების შესრულების შეფერხება

- 10.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით.
- 10.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

11. მხარეთა პასუხისმგებლობა.

- 11.1 შემსყიდველი უფლებამოსილია ამ ხელშეკრულებით გათვალისწინებული საქონლის მიწოდების საერთო ვადის დარღვევის შემთხვევაში დააკისროს მიმწოდებელს პირგასამტეხელო ყოველ ვადაგადაცილებულ დღეზე შეუსრულებელი ვალდებულების ღირებულების 0.1 პროცენტის ოდენობით.
- 11.2 შემსყიდველი უფლებამოსილია მიმწოდებლის მიერ ამ ხელშეკრულებით გათვალისწინებული პირობ(ებ)ის არაჯეროვნად შესრულებისათვის, ყოველ კონკრეტულ ფაქტზე დააკისროს მიმწოდებელს პირგასამტეხელო

ხელშეკრულების საერთო ღირებულების 0.02 პროცენტის ოდენობით. ამ პუნქტის მოქმედების დროს გამოირიცხება 11.1 პუნქტის მოქმედება.

- 11.3 იმ შემთხვევაში თუ ხელშეკრულების 11.1 პუნქტით გათვალისწინებული პირგასამტეხლოს რაოდენობა მიაღწევს მთლიანი სახელშეკრულებო ღირებულების 10 (ათი) პროცენტს, შემსყიდველს უფლება აქვს ნებისმიერ დროს ცალმხრივად შეწყვიტოს ხელშეკრულება. ხელშეკრულების შეწყვეტა არ ანთავისუფლებს მიმწოდებელს ხელშეკრულების პირობების შეუსრულებლობისათვის გათვალისწინებული პასუხისმგებლობიდან.
- 11.4 მხარეები თავისუფლდებიან პასუხისმგებლობისაგან:
- 11.4.1 თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წააწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით. ფორს-მაჟორული პირობების გათვალისწინება რეგულირდება მოქმედი კანონმდებლობის შესაბამისად;
- 11.4.2 ის მხარე, რომელიც ხელშეკრულების 11.4.1 პუნქტით გათვალისწინებულ შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ.
- 11.4.3 ხელშეკრულების 11.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილი არიან გადახედონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და (არგუმენტაციის საფუძველზე) ვადად შეწყვიტონ ხელშეკრულება.
- 11.5 მიმწოდებელი უფლებამოსილია ამ ხელშეკრულებით გათვალისწინებული ანგარიშსწორების ვად(ებ)ის (ყოველ კონკრეტულ შემთხვევაზე) გადაცილების შემთხვევაში დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0.1 პროცენტის ოდენობით.

12. ხელშეკრულების შეწყვეტა მისი პირობების შეუსრულებლობის გამო

- 12.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება, მიმწოდებლისათვის ვალდებულებების შეუსრულებლობის, მათ შორის, მიმწოდებლისთვის ვალდებულების შესრულების მიზნით დამატებით დაწესებული გონივრული ვადის უშედეგოდ გასვლის შემთხვევაში, წერილობითი შეტყობინების შემდეგ:
- 12.1.1 თუ მიმწოდებელს ხელშეკრულებით გათვალისწინებულ ან შემსყიდველის მიერ გაგრძელებულ ვადებში არ შეუძლია მიაწოდოს მთელი საქონელი ან მისი ნაწილი;
- 12.1.2 თუ მიმწოდებელს არ შეუძლია როგორც ხელშეკრულებით ან/და მხარეთა შორის შეთანხმებულ ვადაში, ისე, დამატებით განსაზღვრულ ვადაში შეასრულოს ხელშეკრულებით გათვალისწინებული, რომელიმე ვალდებულება.
- 12.2 ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.
- 12.3 შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე:
- 12.1.3 წინამდებარე ხელშეკრულების მე-11 მუხლის 11.3 პუნქტის დადგომის შემთხვევაში.
- 12.1.4 მიმწოდებლის გაკოტრების შემთხვევაში;
- 12.1.5 საქართველოს კანონმდებლობით გათვალისწინებულ სხვა შემთხვევებში.
- 12.4 ხელშეკრულება შეიძლება შეწყდეს მხარეთა ორმხრივი შეთანხმებით.

13. ხელშეკრულების შესრულების კონტროლი.

- 13.1 შემსყიდველს უფლება აქვს მიმწოდებლის მიერ საქონლის მიწოდებისას განახორციელოს კონტროლი.
- 13.1.1 კონტროლს ახორციელებს შემსყიდველის წარმომადგენლები: სსიპ ეროვნული საატყეო სააგენტოს ფინანსური დეპარტამენტი ტრანსპორტის სამმართველოს მთავარი სპეციალისტი **ირაკლი ბარამიძე** და სპეციალისტი **გიორგი ბერიაშვილი** (შემდგომში „კონტროლის განმახორციელებელი ჯგუფი“).
- 13.2 კონტროლის განმახორციელებელი ჯგუფის ფუნქციებია:
- 13.2.1 გაუწიოს კონტროლი საქონლის მოწოდების ვადების ხელშეკრულების მოთხოვნებთან შესაბამისობის დადგენას.
- 13.2.2 დაადგინოს შეესაბამება, თუ არა მიწოდებული საქონელი ხელშეკრულებით გათვალისწინებულ პირობებს ან/და მოთხოვნებს.
- 13.2.3 უზრუნველყოს მიწოდებული საქონლის მიღება.
- 13.3 შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი დაუყოვნებლივ წერილობით აცნობებს მიმწოდებელს წუნდების მიზეზების მითითებით.

13.4 გამოვლენილი დეფექტის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

14. ფორს-მაჟორი

- 14.1 ამ ხელშეკრულების მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, და სხვა.
- 14.2 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

15. ხელშეკრულების შესრულების უზრუნველყოფის გარანტია

- 15.1 იმისთვის, რომ თავიდან იქნას აცილებული რისკი, წარმოქმნილი მიმწოდებლის მიერ სახელმწიფო შესყიდვების შესახებ ხელშეკრულების შეუსრულებლობის გამო, აღნიშნულ ხელშეკრულებაში გამოიყენება ხელშეკრულების შესრულების უზრუნველყოფის სს „საქართველოს ბანკი“-ს მიერ 2020 წლის 22 აპრილს გაცემული საბანკო გარანტია №PI47375-20, ხელშეკრულების საერთო ღირებულების 8 %-ის ოდენობით, რომელიც ძალაშია 2121 წლის 31 იანვრის ჩათვლით პერიოდში.
- 15.2 მიმწოდებლის მიერ ხელშეკრულებით ნაკისრი ვალდებულებების სრულად შესრულების შემდეგ, მიმწოდებლის მოთხოვნიდან 10 (ათი) სამუშაო დღის ვადაში შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას.
- 15.3 ხელშეკრულებით ნაკისრი ვალდებულებების შეუსრულებლობის ან არაჯეროვნად/არასრულად შესრულების შემთხვევაში, შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის საბანკო გარანტიას და იმოქმედებს საქართველოს კანონმდებლობის ფარგლებში.

16. სადაო საკითხების გადაწყვეტა

- 16.1 შემსყიდველმა და მიმწოდებელმა ყველა ღონე უნდა იხმაროს, რათა მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.
- 16.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის და მიხედვით მიმართოს სასამართლოს.
- 16.3 პირობები რომლებიც არ რეგულირდება ამ ხელშეკრულებით მიიღება საქართველოს მოქმედი კანონმდებლობის შესაბამისად.

17. ხელშეკრულების მოქმედების ვადა.

- 17.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს **2020 წლის 31 დეკემბრამდე**, გარდა ამ ხელშეკრულების მე-6, მე-7 და მე-11 მუხლებისა. .
- 17.2 ხელშეკრულების მე-6, მე-7 და მე-11 მუხლები ძალაშია საქონლის მთლიანი საგარანტიო პერიოდის განმავლობაში.
- 17.3 მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება ქართულ ენაზე.

„შემსყიდველი“

სსიპ - ეროვნული სატყეო სააგენტო

„მიმწოდებელი“

შპს „ბიზნეს ჯგუფი 2010“

დავით ალადაშვილი

სიმონ მეფარიძე

ავტომაქანის ტექნიკური მახასიათებლები

1	გამომშვების წელი (ექსპლუატაციაში არ მყოფი)	2020 წელი
2	მართვის სისტემა	საჭე მარცხნივ, სატვირთოს წინა ღერძები აღჭურვილია საჭის ჰიდროგამაძლიერებლით
3	ძრავის ტიპი	დიზელის, წყლის გაგრილებით
4	ძრავის სიმძლავრე (ცხენის ძალა)	260 (ც.ხ)
5	გადაცემათა კოლოფი	მექანიკური, 10-საფეხურიანი
6	გამანაწილებელი კოლოფი	მექანიკური 2-საფეხურიანი
7	სატვირთოს თვლების სისტემა	3 ხიდიანი, მაღალი გამავლობის, 6X6 თვლის სისტემით, ღერძებშორისი ბლოკირების სისტემით
8	სატვირთოს საბურავების რაოდენობა	6+1 (სათადარიგო)
9	სატვირთოს ტვირთამწეობა (კგ) (ჰიდრომანიპულატორის გარეშე)	10950 კგ
10	სატვირთოს დასატვირთი ბაქანი (პლათფორმა)	მეტალის, გვერდითი და უკანა გადმოსაწევი ბორტებით
11	სატვირთოს დასატვირთი ბაქანის (პლათფორმის) გვერდითა ბორტების სიმაღლე	90 სმ

ჯალამზარის ტექნიკური მახასიათებლები

1	ჯალამზარის ბუქსირების/გაწევის ძალა	7000 კგ
2	ჯალამზარის გვარლის (ტროსი) დიამეტრი	14 მმ
3	ჯალამზარის გვარლის (ტროსი) სიგრძე	43 მ
4	ჯალამზარის მართვის ტიპი	ავტომაქანიდან

**ინფორმაცია თანმდევი საგარანტიო პირობების ფარგლებში
გეგმიური ფასიანი ტექნომსახურების გრაფიკის შესახებ**

მომსახურება 5000 კმ. ან 125 მოტო სთ. ან 6 თვეში ერთხელ (რომელიც უფრო ადრე დადგება)

№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	საცხი ლიტოლი	კგ	2
5	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1

მომსახურება 10000 კმ. ან 250 მოტო სთ. ან 6 თვეში ერთხელ (რომელიც უფრო ადრე დადგება)

№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	ჰაერის ფილტრი	ცალი	1
5	საცხი ლიტოლი	კგ	2
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1

მომსახურება 15000 კმ. ან 375 მოტო სთ. ან 6 თვეში ერთხელ (რომელიც უფრო ადრე დადგება)

№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	საცხი ლიტოლი	კგ	2
5	საწვავის ფილტრი (ატსტოინიკი)	ცალი	1
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1

მომსახურება 20000 კმ. ან 500 მოტო სთ. ან 6 თვეში ერთხელ (რომელიც უფრო ადრე დადგება)

№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	ჰაერის ფილტრი	ცალი	1
5	საცხი ლიტოლი	კგ	2
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1

მომსახურება 25000 კმ. ან 625 მოტო სთ. ან 6 თვეში ერთხელ (რომელიც უფრო ადრე დადგება)

№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	საცხი ლიტოლი	კგ	2
5	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1

მომსახურება 30000 კმ. ან 750 მოტო სთ. ან 6 თვეში ერთხელ (რომელიც უფრო ადრე დადგება)			
№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	ჰაერის ფილტრი	ცალი	1
5	საცხი ლიტოლი	კგ	2
6	საწვავის ფილტრი (ატსტონიკი)	ცალი	1
7	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1
მომსახურება 35000 კმ. ან 875 მოტო სთ. ან 6 თვეში ერთხელ (რომელიც უფრო ადრე დადგება)			
№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	საცხი ლიტოლი	კგ	2
5	ტრანსმისიის ზეთი	ლიტრი	42
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1
მომსახურება 40000 კმ. ან 1000 მოტო სთ. ან 6 თვეში ერთხელ (რომელიც უფრო ადრე დადგება)			
№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	ჰაერის ფილტრი	ცალი	1
5	საცხი ლიტოლი	კგ	2
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1
მომსახურება 45000 კმ. ან 1125 მოტო სთ. ან 6 თვეში ერთხელ (რომელიც უფრო ადრე დადგება)			
№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	საცხი ლიტოლი	კგ	2
5	საწვავის ფილტრი (ატსტონიკი)	ცალი	1
6	ძრავის ღვედი	ცალი	1
7	ღვედის დამჭიმი	ცალი	1
8	გამაგრილებელი სითხე (ანტიფრიზი)	ლიტრი	18
9	გამოხდილი წყალი	ლიტრი	18
10	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1
მომსახურება 50000 კმ. ან 1250 მოტო სთ. ან 6 თვეში ერთხელ (რომელიც უფრო ადრე დადგება)			
№	დასახელება	განზომილება	რაოდენობა
1	ძრავის ზეთი	ლიტრი	36
2	ზეთის ფილტრი	ცალი	2
3	საწვავის ფილტრი	ცალი	2
4	ჰაერის ფილტრი	ცალი	1
5	საცხი ლიტოლი	კგ	2
6	მობილური ჯგუფით მომსახურება (იანგარიშება ცალი გზა, სერვის ცენტრის გარეთ მომსახურების მოთხოვნის შემთხვევაში)	კმ	1



ხელშეკრულების შესრულების საბანკო გარანტია #PI47375-20

22 აპრილი 2020 წელი

თბილისი

გარანტი: სს საქართველოს ბანკი (შემდგომში „გარანტი“)

გარანტის საიდენტიფიკაციო კოდი: 204378869

გარანტის მისამართი: გაგარინის ქ. #29ა, თბილისი, 0160, საქართველო

პრინციპალი: შპს ბიზნეს ჯგუფი 2010 (შემდგომში „პრინციპალი“)

პრინციპალის საიდენტიფიკაციო კოდი: 208141321

პრინციპალის მისამართი: საქართველო, ქ. თბილისი, სამგორის რაიონი, ალექსანდრე ქართველიშვილის ქ. №7

ბენეფიციარი: სსიპ ეროვნული სატყეო სააგენტო (შემდგომში „ბენეფიციარი“)

ბენეფიციარის საიდენტიფიკაციო კოდი: 204578581

საგარანტიო თანხა: 47,000 (ორმოცდაშვიდი ათასი) ლარი

ტენდერის უნიკალური ნომერი: #SPA200001073

მხედველობაში ვიდებთ რა, რომ პრინციპალმა სატყეო ავტომატურა 6X6 ზოგადი მიზნით წარდგენილი სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ, გარანტი, თანახმა ვართ გავცეთ პრინციპალის სახელზე აღნიშნული უპირობო და გამოუთხოვადი საბანკო გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე პრინციპალის სახელით საერთო თანხაზე, არაუმეტეს ჯამში 47,000 (ორმოცდაშვიდი ათასი) ლარი და ვკისრულობთ ზემოთ აღნიშნული თანხის, გადახდას პრინციპალის მიერ ხელშეკრულების პირობების დარღვევის შემთხვევაში ბენეფიციარის წერილობითი მოთხოვნის წარმოდგენის საფუძველზე.

ბენეფიციარის წერილობითი მოთხოვნა თანხის ანაზღაურებაზე წარმოდგენილ უნდა იქნეს ბენეფიციარის მხრიდან აღნიშნულ დოკუმენტზე უფლებამოსილი პირის მიერ ხელმოწერილი ფორმით, სადაც მითითებულ აქნება მოთხოვნილი თანხა ციფრობრივად და სიტყვიერად, საბანკო რეკვიზიტები და განმარტებული უნდა იყოს კონკრეტულად პრინციპალსა და ბენეფიციარს შორის გაფორმებული ხელშეკრულების რა პირობები იქნა დარღვეული პრინციპალის მხრიდან. მოთხოვნას თან უნდა ერთვოდეს მოთხოვნაზე ხელმოწერილი პირის უფლებამოსილების დამადასტურებელი დოკუმენტი (ბანკი უფლებამოსილია არ მოითხოვოს აღნიშნული საბუთი, თუ ხელმოწერილი პირის უფლებამოსილების შესახებ ინფორმაცია საჯაროდ ხელმისაწვდომია) და საბანკო გარანტიის ასლი.

წინამდებარე გარანტია ძალაშია პრინციპალის მიერ ხელშეკრულების პირობების შესრულების საბოლოოდ დამთავრებამდე, მაგრამ არაუგვიანეს: 31 იანვარი 2021 წელი, შესაბამისად წინამდებარე გარანტია მოქმედებს აღნიშნული თარიღის ჩათვლით.

ზემოთქმულიდან გამომდინარე, ბენეფიციარის მიერ წარმოდგენილი წერილობითი მოთხოვნის ორიგინალი დოკუმენტი თანხის ანაზღაურებაზე, გარანტის მიერ მიღებულ უნდა იქნას გარანტიის მოქმედების ვადის ჩათვლით სს „საქართველოს ბანკის“ სათავო ოფისში, კანცელარიის სამსახურში, ვაკე რაიონის სტრუქტურული დაფინანსების დეპარტამენტის საყურადღებოდ, თბილისის დროით (UTC / GMT +04: 00 საათი) 17:00 საათის ჩათვლით, შემდეგ მისამართზე: გაგარინის ქ. #29ა, თბილისი 0160, საქართველო.

საბანკო გარანტია ავტომატურად უქმდება/მცირდება ქვემოაღნიშნული გარემოებებიდან ერთ-ერთის დადგომისთანავე:

- საბანკო გარანტიის ვადის გასვლით;
- გარანტის მიერ ბენეფიციარისთვის იმ თანხის გადახდით, რომელზედაც გაიცა საბანკო გარანტია;
- ბენეფიციარის მიერ გარანტიიდან გამომდინარე თავის უფლებებზე წერილობითი უარის თქმით;
- ბენეფიციარის მიერ საბანკო გარანტიის თანხის შემცირების შესახებ წერილობითი შეტყობინებით.

გარანტის მიმართ საბანკო გარანტიიდან გამომდინარე ბენეფიციარის კუთვნილი მოთხოვნის უფლების გადაცემა/დათმობა სხვა პირისათვის დაუშვებელია გარანტის წერილობითი თანხმობის გარეშე.

წინამდებარე საბანკო გარანტია რეგულირდება საქართველოს კანონმდებლობით.

პატივისცემით,

ანა კეტარაძე

ვაკე რაიონის სტრუქტურული დაფინანსების დეპარტამენტის დირექტორი

